

中國方志叢書·華中地方·第二三號


據

清·阮升基等修·寧楷等纂
清·嘉慶二十一年刊本

影印

江蘇省

宜興縣志



成文出版社有限公司印行

sk12563



10098230

中國方志叢書·華中地方·第二二號


據

清·阮升基等修·寧楷等纂
清·嘉慶二十一年刊本

影印

江蘇省

宜興縣志



sk125/03

成文出版社有限公司印行



10098231

中華民國五十九年 月壹一版

宜興縣志

全二冊

發行人：**黃 成 助**

出版者：**成文出版社有限公司**

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

重刊宜興縣志序

明 危 山

郡縣之有志書者所以載山川民物風俗事蹟之詳悉也使其書不全將何以備參考乎宜興爲常之屬邑地雖偏僻而山川之秀民物之盛風俗之醇其事蹟又甲於他邑故杜牧之蘇東坡嘗買田築室於此實爲圻內之大縣也舊志作於周子隱今所存百中之一二耳後有續者而譜帙散亂傳至於今又多缺訛縣令樂安鄒君旦丞鄱陽李君暉皆有學識者也顧是書之敝屬予修之又得丞上虞竺君龠廬山趙君良簿新城王君能幕賓樂平朱君輝僚佐一心亟欲成之因取舊時抄卷重加修飾其事物有缺失者又命邑人王文輩徧搜備取於是繁者去之訛者正之缺者增之編集成帙分爲十卷以壽錢梓因謂志書有關於政事尙矣然有司不可不重昔高帝入關諸臣皆以金帛財物是取獨蕭何先收丞相府圖籍藏之使帝得具知天下阨塞戶口多少強弱之處噫若蕭何亦可謂知先務者矣今宜興諸君以志書爲急如是非知先務而何書成一邑事蹟之詳悉可以備參考矣但去取未當而葫蘆依樣之譏滄海遺珠之歎不能免者惟以俟後之君子倘有以補削之庶幾亦斯文之幸也

重刊宜興縣志舊序

西蜀陳遼璋 劍華

周官志統於史氏所以察民俗稽吏治而礪世訓俗之大端也秦興罷侯置守而縣邑通爲志矣卽不領於史氏亦邑之史也第史美惡並書以垂勸誡而志主於紀美體差異焉然能使有志者屬慕而不肖者亦以反觀而內愧或微其詞以示貶卽孝子慈孫不能增損其閒殆所云以勸爲誠者耶宜興志創自子隱而二單嗣之厥後未有聞及我皇祖定鼎金陵麗畿甸者名邦相錯而宜興稱巖邑焉正統閒邑大夫鄒公旦能以纂修爲急屬其學博危君山輯而成志事具危序中然太史公稱孔子作春秋隱桓之

重刊宜興縣志

陳序

二

閒則章而哀定之際則微厥旨深矣故參修者事非博之難而難於校文非工之難而難於直去畱與奪非古之難而難於今故華之學競筆綜其煩操其衡乃稱能志也孚齋王先生少志聖賢之學以狷介自持而於書無所不讀窺其中裕如也其識炯如也蓋邑人士翕然宗之矣予于公暇見舊志久墜觀省未備而以屬王先生先生以老辭再強之乃許余請而與邑中諸君子其纂錄之傍摻近攬纖巨畢陳俾夫譌者正逸者存微者顯缺者補屬在晚近而舊志所未及者各以類入一切考之輿論無閒言乃始彙爲十卷而成書蓋粵秦漢而迄於茲如欠諸字云時

少宰檢庵翁以太夫人假還少宰國史官也卜築於宜而家焉予謁公請公以史律志而假一言之重以垂不朽公歎曰夫志也事核而不溢文簡而不靡例嚴而不苛取善廣而不徇存疑辨武標形會景煩疏有體而不放吾乃知王先生諸君子果能相與以有成也予邑令也不與有楮乎出是不佞之王先生所謀授之剗剗且以諗王先生曰公之志於輿地見山川之毓秀於營建見宮室樓櫓之壯麗於官師則長令以下誰敢不動色相戒於食貨則軍儲所需能不愀然危恐自是而選舉而人物而藝文夫孰非邑之華而足以誠且勸者哉然予反覆於志之始末而竊有慨也蓋宜俗故稱樸厚爲江左望即吾鄉先哲蘇長公以文章節義雄長天下而乃擇里於宜宜之醑俗可知也不佞以樗材學製於此而適遭暇時拮据撫掌余固哀宜之艱而宜亦安余之拙凡四歷年所矣閒余莅政之暇觀風問俗則不無今昔之感蓋今之聲名文物或視昔過之而困輪既斲土埴爲樽如長公所稱地僻民儉者不逮矣此豈山川鬱氣久而洩耶抑漸靡使之然耶抑亦無識微之君子因其流而挽之耶夫萬古此溪山耳而令後之人追咎宜俗之入於漓自今日始可乎哉且考古今之變察涓滴之繇以無忘先進之風以不失蘇長公以來及太史

諸公卜居之意則有是志在王先生拜手謝曰夫必端本澄源爲吾宜圖久遠甚盛心也老夫耄矣無能爲矣其自今以後嘉父母之賜藉之

重刊宜興縣志舊序

邑人徐顯卿 檢庵

宜興去吾蘇三百里而近相傳毛萇由張公洞入東行從包山林屋洞天出其事不可迹亦足明地脈云余自諸生赴都時入其邑樂其山川土風逮入仕病告在里會當避地遂占籍于斯探諸名勝得芙蓉嶺構亭栖息久之病良已還朝又十年扶侍太淑人歸始築室長橋之南奉先大夫祠而遷焉時邑令陳侯修志書成謂余邑人也屬之序余謝幸甚明府遠邑人我夫周官外史掌四方之志志猶史也宜興爲江表名區故無紀述自晉周孝侯有風土記宋單氏續之正統間鄒令旦以屬訓導危山因舊編可節重刊宜興縣志

卷首

余序

五

之成縣志更七十年正德之季韓令儒以屬教諭林文聰重修又七十年爲萬歷初韓令容延楊別駕阜李學諭延謚暨諸文學分任參考垂成而韓以制去事遂已今陳侯蒞政三載重本力端士習化行訟簡文教聿興一日抱韓侯遺稿造王別駕升周學諭國賓而屬之重訂王君篤行好古相與博採羣史蒐遺闡隱芟繁去譌輯成新志十卷首輿地而次營建重民社也先食貨而後學校循養教也官師而後人物究化原也忠義而後文藝權本末也他如引金陵志以證銅官由漢鑄山得名而力辨袁玘降棺之謬據晉史以表孝侯臨難慷慨徇義而不襲其家傳之諱

稽蔣氏世譜以續雲陽亭侯默于封統收單鶚水利之策以俾於時務而悉補舊籍之所缺遺改正蘇文忠於僑寓敘其遷逐不偶匪獨沾沾於焚券一小節大都會要而折其衷實爲一邑之信史矣而余則謂志以徵文獻亦所以昭治理志以紀見聞尤所以重勸戒昔王澄問陳留人士吏舉蔡子尼江應元其他官位弗及也澄歎曰舊名此邦有風俗小吏亦爾蓋古人所謂土風以道德爲重者如此宜之風俗志所稱估直洎遜至於今不無小異然視他邑鮮情竄淫侈奇袞黠僞之習齊民盡力農桑巨室無歌舞聲豔又以僻故不甚被兵革舊家大族能根據數十世以上所從來相保不艾要在長吏率先而訓植之而邦之士大夫益務砥礪其名行爲庶民倡俾前有模範而後有矜式斯志所爲重也不然山川勝概與天地俱封場所屆帝王經畫其餘沿革損益各因其時卽紀述弗遺亦文具焉耳矣何當于師帥指乎茲非不佞樂居之意云爾余職史氏蓋嘗修國史矣請以史例志可哉陳侯曰是吾志也夫是吾志也夫侯名遴璋別號劍華四川富順人丙戌進士纂修諸君子自王別駕而下俱邑之名士備列左方

卷首

徐序

六

重刊宜興縣志舊序

營州李先榮

冀南

宜興爲毘陵名邑山水秀發人文蔚起如震澤荆溪之滙注銅官南岳之聳拔蜀山蛟橋之勝蹟張公玉女之靈異往往聞而慕之歲乙丑得承乏是土甫入境卽摻其志乘乃散佚磨滅幾不可識詢厥所由蓋以俗疲民敝逋賦日積

國朝定鼎四十餘年易令凡二十有一人或二年去或一年去甚或以數月去民視官如羈旅官視邑如傳舍救過不暇百凡墮壞邑志之散佚磨滅又何怪乎余媿瑣劣繼踵前人益兢兢滋懼戴星出入惟錢穀簿書是校奚有餘

重刊宜興縣志

卷首

李序

七

力爲纂述事竊念

天下明聖遣使圖繪天下名山川爲一統志訂訛證誤不遺荒遠而宜邑江國名區幸際

昌時顧使邑乘弗備四境不知亦負職取戾之一端也爰問邑紳徐竹逸先生先生曰某因其舊文增以近製稿具矣需明府潤色之卽可付梓余於是取而披閱審定之事核而辭達例嚴而義該與曩之散佚磨滅者迥不同矣遂督剏勵氏竣工焉夫邑志之設匪獨取其文詞之博洽已也政教風俗於是寓焉記曰修其教不變其俗齊其政不易其宜夫亦言其常耳若宜邑當積弊之後非改絃而更

張之惡乎濟惟邑賢士大夫錫之嘉謨以匡不逮俾獲幸告無罪將百凡之墮壞者修復尙有期也茲志其先之者矣

重刊宜興縣志

卷首

李序

八

重刊宜興縣志舊序

邑人徐階鳳 竹逸

粵稽周官外史掌列國之志然周千八百國未聞有以志傳者至漢班固始以禮樂刑法分著十志而亦不屬之列國惟陳壽撰蜀魏吳三國志而世稱其善敘事後之史家恆以志列於紀表傳贊而不專以志名書雖鄭樵合諸史爲通志而其體仍歸於史余嘗反覆考論志爲史中之一目而實兼紀表傳贊之義但三國志通志以志爲史故善惡並載有勸有戒若近世郡邑志載善不載惡以勸爲戒任其事者其難有九前人所遺而修者摻羅弗廣不能補其闕略是曰紕漏其難一前人有所誤而修者較核弗精不能剔其訛謬是曰因循其難二往代之蹟以人亡而故刪之目前之事以人存而附入之是曰忘遠暱近其難三揚前代之美鋪張過實述近時之行簡略無文是曰尊古薄今其難四世家巨室無美而諛之單門寒賤有善而抑之是曰趨熱遠涼其難五前不考信於書史後不咨詢乎父老而任意爲增損失則妄矣其難六心之所好則錄之心之所憎則損之而違眾以去取失則私矣其難七務爲新奇奧僻之詞上無關於政治之得失下無裨於風俗之消漓失則浮夸其難八喜爲索瘢摘瑕之論或以一眚掩大德或以末節棄生平失則刻覈其難九其難如此余

重刊宜興縣志 卷首 徐序

一

胡爲任其事乎蓋康熙癸亥秋廬郡侯崇義延余修郡志辭弗允遂與五邑紳士分任其事甲子秋蔡邑令司霑延余修邑志余知其難辭之再學諭顧君智王君在豐語余曰郡志五邑所其先生猶任之宜志何可辭乎於是翻然任之第襄事者僅得潘文學大儒陳儒士維岱同居志館披閱舊本商酌新條匝月而規模粗定余又攜稿願息齋中獨爲訂正芟其繁補其缺辨其訛作小序論說跋贊三十餘首綴於各卷中雖卮言諺語竊欲少補於吏治民生人心世道也然而余之任事有三罪焉今

重刊宜興縣志 卷首

徐序

一

傳之才會典正在纂修制作隆於千古爰彙郡邑志以成大一統之書甚盛事也余以庸質淺學僭掌外史之職備天祿石渠之採輯才不勝任罪一宜邑薦紳先生或養重林泉或究心理學或古道相尙力挽澆薄之風品望足以壓眾器識足以成務者不乏其人余以少賤習鄙凡山川風土兵賦事物稍能通曉而於聖賢修省身心之學欲實踐而未能德不堪任罪二宜邑山水明秀英賢蔚興巍科顯爵雖不及前其身列詞翰之苑秩居撰著之席者踵相接也余以薄宦歸來自放於山椒水湄日與樵漁爲伍甘心貧賤歷廿餘年一齊民耳分不宜任罪三辭九難而不

獲受三罪其笑疑聞五月稿成授梓乃蔡令緣事工遂輟
迄丙寅秋李邑侯翼南蒞事期月才敏守堅民安吏肅百
廢漸興一日詢及邑志余以劄劄未完告侯慨然曰志雖
一邑之書而朝廷之大經大法於是乎昭地方之大利大
害於是乎辨官長之教養士民之習俗歷代之文獻悉於
是乎徵烏可有稿不梓無以彰同文之治乎卽細加潤色
捐俸鳩工刻期告竣嗟乎余於是不能無慨矣宜志自萬
歷己丑王別駕升修後至康熙壬子史令君宗堯奉上檄
延史司理夏隆吳司理晉剡陳檢討維崧任文學源祥協
修而未成甲子秋蔡令君奉檄延修稿雖具又緣事而未
梓必待李侯運斧於盤錯之中不數月而聿觀厥成豈邑
志一書成不成亦有數乎抑亦任事者之力不力耳李侯
將有改建政堂整葺譙樓之舉此皆垂久之功可爲百世
甘棠視彼以官署爲傳舍者其度越豈不遠哉修志成例
得敘其事於簡端余思修志大義陳邑侯遴瑋家少宰顯
卿詳哉言之余何庸贅第述任事之難暨任事之罪以告
通邑之人俾後之覽者亦皆有感於余言云爾

重刊宜興縣志

卷首 徐序

士

重刊宜興縣志卷首

凡例

一宜荆舊係一邑混合志之說者謂未分縣以前一切
土田賦稅人物學校合載前冊斷無可分執分志之
說者謂既分縣以後職官賦稅人物學額盡然分隸
不能復合今則斷自雍正三年以前定爲宜興舊志
蓋視徐志又增四十年矣自雍正四年分縣以後曰
新修宜興縣志曰新修荆溪縣志凡此一遵
國家定制不敢以己意妄存分合之見也

重刊宜興縣志

卷首

凡例

主

有續編開訪前事半多湮沒茲則採輯舊文諮諸遺
獻粗加釐訂追續前書以俟識者鑒定之
一舊志內惟古蹟一條分志不必重見其餘如寺觀橋
梁各條於分縣後或有重修創造者仍須詳載否則
亦不重出以免複沓
一王徐二志有與正史不符及正史雖無明文而他書
足據者其中確有譌舛酌加改定並附按於下凡以
考據宜精非妄爲改竄也
一志中有在官無案可稽如人物封廕各條有在鄉採
訪難遍如名人邱墓未旌列女各條止據現在開報

者書之此外或有闕失搜羅所及已入補遺

一田賦遵 功令分志內自應據現在者書之若宋元明以來有可考證者錄入前編舊志中以明制度所由昉亦考古之一助也

一蠲賑入之田賦卷中詳開年分蠲數并錄民捐議敘于後一以見

國恩稠疊一以見民風淳厚垂示來茲庶共知勸勉爾

一志書以人物爲重若輿圖沿革疆域山川風俗田賦學校武備種種皆有關係亦未可略故據古證今務求詳備

軍州軍志卷首 凡例

三

一學校關係風化甚大凡有碑文記序概載本條之下以其文之有功名教也至書院書籍禮器樂章皆以修明禮樂移易風俗宜悉增載

一分縣後有分而未分如城垣學宮諸項種種合一其有分隸殊制者則兩載之或制本合一則詳書於宜志而於判志則曰詳見宜興新志庶爲煩簡得宜

一選舉中科甲後繼以諸貢恩拔副歲之外其由廩增附加貢者現在國子監中定以正途之目自宜一體登載其由俊秀納粟而入仕者列例仕條未入仕者不書至於武庠報捐貢生現奉新例必須先行赴部

注銷始準加捐自不得濫載

一舊志選舉科甲諸貢封蔭內閒有一二褒獎語殊非志體今特照原本分類另編附錄人物志之末其已有傳者不贅

一人物志所載名人取其事業文章可法可傳者載之雖生平偶有一二遺行自宜略去或其人有一二善行可稱亦宜登載以明善善從長之意至舊志所遺而善行流傳有確據者亦爲補入

一舊志人物傳中孝友文苑行誼諸條仍而不變至儒林一條易以理學義爲較切其餘如廉慎循良俱併

軍州軍志卷首 凡例

十四

入治績條內惟勳德二字古人中如伊呂周召始當之無愧後世如武鄉侯汾陽王千載寥寥不易觀今特芟去以其中之人物散布各條亦曰紀事必求其實選言必居其要而已

一當官以忠義爲本處變處常初無二致一切名臣忠節正直等義包括無遺冠諸人物之首竊謂闡揚已極至若一介寒微捐軀殉國如河西傭補鍋匠當其精誠所激亦復何愧聖賢彼視崇階高爵泡影粃糠正不得以勢位懸殊遂謂不宜並列也

一人品之是非高下蓋棺乃定若其人尙在雖輿論鄉

評確可共信未敢輒入以破成例藝文內所載亦然
至人物舊志或并書號茲從紀傳體概省之

一列女已旌自宜詳載其未經請旌而青年矢志苦節
完貞有確據者無論已故未故一體登載

一詩文取其有關山川古蹟祠宇寺觀者既附各條之
後此外尙有名人詩文卷帙浩繁不能盡附者彙錄
之爲藝文志其餘文辭雖工與志無涉概不濫登

重刊宜興縣舊志目錄

卷首

序

舊序

凡例

目錄

纂修姓氏

縣境全圖

縣城舊圖

學宮舊圖

卷一疆域志

星紀

疆域

沿革

山川

水利

區圖

風俗

土產

卷二營建志

重刊宜興縣舊志

卷首

目錄

一

城垣

公署

舊署附

倉庫

廢署

亭館附

壇廟

坊表

橋梁

卹所

舖舍

卷三田賦志

戶口

科則

解支

漕運

雜稅

鹽漁蘆課附

積儲

蠲賑

卷四學校志

學宮

四祠

禮樂器

卧碑

學額

學田

書院

社學

鄉飲

鄉約

卷五職官志

守令

僚屬

學秩

武秩

爵秩

名宦

卷六武備志

營制

武事

扼塞

卷七選舉志

徵辟

進士

舉人

諸貢

科名附考

武進士

重刊宜興縣舊志

卷首

目錄

二

武舉

例仕

封贈

蔭叙

忠義

治績

理學

孝友

文苑

行誼

隱逸

僑寓

附錄

列女

卷九古蹟志

遺址

名勝

碑刻

邱墓

卷十藝文志

奏議

序

記

題跋

賦

五古

七古

歌行

五律

七律

五排

五截

六截

七截

詞

卷末

藝術

寺觀

方外

祥異

軼聞

重刊宜興縣志

卷首

目錄

三

重刊宜興縣舊志卷首

纂修姓氏

總裁

知 常

州 府

事 胡觀瀾

主修

知 宜

興 縣

事 阮升基

署 宜

興 縣

事 牛兆奎

同 知 署

宜 興 縣

事 蔣勵宣

知 荆

溪 縣

事 唐仲冕

知 荆

溪 縣

事 段琦

署 荆

溪 縣

事 高伯揚

協修

宜 興

縣 教

諭 季晝錦

宜 興

縣 教

諭 路一德

荆 溪

縣 訓

導 史采

總修

原任涇縣教諭

西舉人

甲明通榜掌教

參訂

蜀山書院

密楷

封 儀

徵 縣 教

諭 潘時敏

原任宜川縣知縣

辛卯舉人

路學宏

原任崇安縣知縣己丑進士汪煥

貢 生 湯紹寬

貢 生 徐瀛士

貢 生 李士傳

生 員 莫峻明

分修

舉 人 蔣騏

舉 人 戴勉

舉 人 宗杏標

舉 人 沈兆升

舉 人 周葆元

舉 人 潘恩發

舉 人 吳甯宇

舉 人 李星

舉 人 萬寶

貢 生 潘允喆

貢 員 萬之蘅

貢 員 儲楷

貢 員 儲徵甲

生 員 儲徵甲

生 員 儲徵甲

校理

翰林院檢討潘東耀

舉人曹煥

舉人汪坤厚

貢生周芳

貢生路應求

生戴樹穀

生員徐瀨

生員徐景棠

生員蔣景昌

監生潘玉珂

監生三

監生李烈

監生任朝楨

監生儲葆先

監生周星垣

監生徐經權

監生任葆真

童生欽廷槐

督刊

湖廣巡檢喻榮疆

宜興縣典史王蘭璧

荆溪縣典史王衡

副

監生胡駿


監生

重刊宜興縣志卷首

全境圖說

周禮大司徒掌邦國土地之圖周知九州地域廣輪之數職方氏掌天下之圖地辨九州之圖使同其貫而又司險掌九州之圖周知山林川澤之阻誦訓掌方志以知地俗是有志必有圖宜雖一邑將欲志其廣輪志其貫利志其險阻非冠之以圖曷以按籍而稽哉第徐志圖多舛漏且橫亘數幅方位不明今詳加考核綜諸尺幅之中庶缺略去而方位明差為詳備云

全境圖



重刊宜興縣舊志卷首

城垣圖說

宜興城小而固東西南三面縈繞兩汎會合以達北城運河環之雉堞參差萬家烟火冠之以圖而邑屋之繁華形勢之險要一寓目而盡得之

圖而係之以舊不忘其朔也士食舊德之名氏農服先疇之吹畝于今雖分而版圖比連綺交繡錯兩邑人士更無此疆彼界之心則寓合一于全境圖中亦猶存念舊之意也